


百家詞



百家詞

(據 一 九 四 零 年 商 務 印 書 館 排 印 本 影 印)

百 家 詞

(全二册)

[明] 吳訥 編

*

天 津 市 古 籍 書 店 影 印

(天津烟臺道15號)

新華書店天津發行所發行

天 津 市 華 康 印 刷 廠 印 刷

開本787×1092毫米 1/16 印張109.25

1992年3月第一版 1992年3月第一次印刷

津新出圖字(92)第 001334 號 印數1—2,000

定價: 85.00元

出版說明

《百家詞》原鈔本名《唐宋名賢百家詞》，明吳訥編。

吳訥，字敏德，常熟人。生于明洪武二年（一三六九），卒于景泰六年（一四五五）。據《明

史·吳訥本傳》記載：『訥博覽，議論有根柢，于性理之奧多有發明，所著書皆可垂于後。』

《百家詞》輯錄于明英宗正統六年（一四四一），原鈔本已缺十家。其成書年代較明毛晉汲古閣所刻《宋六十名家詞》早二百年。其時去宋代未遠，善本佳刻易見，故有許多善本賴此傳世，如南宋曾慥所編《東坡詞》、《東坡詞拾遺》以及元闕名編《樂府補題》等。又如《稼軒詞》、《丁集和袁易《靜春詞》，皆為他處所未見，更為可貴。此書對於詞學的研究、各家詞集的整理、校勘都有較高的參考價值。可惜此書編成後沒有刊行，而只有若干種鈔本傳世。

近人林堅之本著『志在流布原書』的原則，根據原鈔本參校它本，擇善而從，依代銓次重新編定，名曰《百家詞》，于一九四零年刊行問世。此書自唐《花間集》至明王達《耐軒詞》，共收詞集八十七種。我們這次影印出版，重新編了總目錄，以便讀者檢尋，其余仍依其舊。

天津古籍書店 一九九二年二月

百家詞總目

上冊

序例	五
詞人小傳	九
花間集	三一
尊前集	八七
樂府補題	一二七
南唐二主詞	一三九
陽春集	一四九
張子野詞	一六九
珠玉詞	一九三
六一詞	二一五
柳屯田樂章集	二五一
小山詞	二九五
東坡詞附東坡詞拾遺	三三三

山谷詞	三八五
淮海詞	四〇三
後山居士詞	四二一
東堂詞	四三三
溪堂詞	四六三
片玉集附片玉集抄補	四七五
丹陽詞	五一
蘆川詞	五二七
石林詞	五四七
書舟詞	五六九
酒邊集	五九五
相山居士詞	六二三
友古居士詞	六五一
簡齋詞	六七九
樂齋詞	六八七

初寮詞	六九七
碧溪詞	七〇九
呂聖求詞	七二一
盧溪詞	七四七
王周士詞	七五七
放翁詞	七六七
于湖詞	七九一
竹齋詞	八一三
歸愚詞	八二九
竹洲詞	八三九
松坡居士詞	八四七
下冊	
知稼翁詞集	八六一
信齋詞	八七三
樵歌	八八三

審齋詞	九一九
逃禪詞	九三五
稼軒詞	九六五
樵隱詩餘	一〇四三
金谷遺音	一〇五五
竹坡老人詞	一〇七九
克齋詞	一一〇七
養拙堂詞	一一一九
晦菴詞	一一三三
西樵語業	一一四五
省齋詩餘	一一五五
東浦詞	一一六五
龍川詞	一一七五
介菴趙寶文雅詞	一一八五
龍洲詞	一二〇九

笑笑詞	一二二三
後村居士詩餘	一二四九
梅溪詞	一二七五
蒲江居士詞	一二八五
履齋先生詩餘附續集	一二九三
竹齋詩餘	一三一五
蓬萊鼓吹	一三三三
文溪詞	一三四三
玉林詞	一三五三
空同詞	一三六三
石屏詞	一三七一
龜峯詞	一三八一
玉筍山人詞集	一三九五
玉田詞	一四〇九
草窗詞集	一四四七

水雲詞集附送舊宮人贈汪水雲南還詞	一四七三
竹山詞	一四八七
白雪詞	一五一
杜壽域詞	一五二七
洪堂集	一五四三
遜庵樂府	一五五七
菊軒樂府	一五七一
遺山樂府	一五八五
松雪詞	一六〇七
靜脩詞	一六一五
鳴鶴餘音	一六二五
貞居詞	一六三七
古山樂府	一六五一
蛻巖詞	一六六九
靜春詞	一六九七

雲林樂府 ····· 一七〇七

耐軒詞 ····· 一七一五

百家詞序例

明吳訥編百家詞輯於正統間遠在汲古閣所刻宋六十一家詞之前二百年其時去宋未遠故易集善本如曾慥輯之東坡詞並補遺及范開輯之稼軒詞甲乙丙丁四集均爲今代稀見之品其它宋人別集中遇宮廷等字每多擡格尙可想見其傳錄宋槧之蹟惟向無刊行流傳極稀卽各家藏書志目亦鮮著錄其全帙朱彝尊詞綜發凡云「常熟吳氏訥彙有宋元百家詞鈔傳絕少未見全書」彝尊生當清初知交徧南北海內藏書名家多有其踪跡博訪勤求尙未獲見全書則流傳之罕可知」

余曩客故都獲見是書鈔本四十巨冊題曰唐宋名賢百家詞集卷帙較繁屢鈔屢輟歷時數載乃甞勉藏事上距正統垂五百年矣原鈔既出自傳寫則殘缺脫漏自意中事有因篇幅脫落致前後訛併爲一者有因蛀損模糊致行款莫辨而訛接它首

者其出自歷次寫生之筆誤爲尤繁推原其故厥有二因或以南北方言之差異口述手鈔致成同音異字之訛或以字體形似輾轉遞訛又復不載頁數篇幅錯亂故雖費時數載鈔錄成書而執卷披誦是尙有待於校勘乃羅列諸本悉心推敲尋繹致訛之由約亦十得七八爬梳至再輒作輒息今春乃盡屏閑事朝斯夕斯凡八閱月始克終篇

原鈔本雖亥豕雜陳然小疵無礙而原書精萃仍躍然紙上茲略舉一例如朱敦儒樵歌卷下沙塞子「蠻徑尋春春早」一首題作「前調太悲再作」而今代傳刻諸本均脫前調二字令人索解一翻是編則題意顯然其它如可以補訂各家別集刻本之闕文者尤未遑羅舉讀者試校它本當自昭然

原鈔本標題唐宋名賢百家詞集首揭總目即附錄一共百種惟東坡詞補遺當附東坡詞及笑笑詞先後重出均不應置計外實祇九十有八種也丁丙善本書室藏書志金荃詞條云「凡百四十七詞」明正統辛酉海虞吳訥所編四朝名賢詞之一而百家詞總目中無金荃詞至四朝名賢詞與唐宋名賢詞次揭諸儒姓名即附錄一而百家詞是否兩書或一書而二名然均無考

二錄計自溫庭筠迄廖天民凡三十人共二十冊。又自程正伯迄葉少蘊凡二十人共二十冊。又自京仲遠迄吳益恭凡二十七人共二十五冊。又自向伯恭迄盧申之凡三十人共二十五冊。執此可知百家詞作者百七人。而原鈔祖本訂成九十冊也。此就原鈔總目言之。至於總目中書名與姓名均有出入。容在另條辨之。至於彙若干人爲若干冊。絕無依據。以南唐二主置於陸游之後。而元好問反居張先之前。其它可知矣。

是書題名亦傳載弗一。原鈔本曰唐宋名賢百家詞集。詞綜發凡曰宋元百家詞。善本書室藏書志曰四朝名賢詞。千頃堂書目亦作四朝名賢詞。綜其異點有三。曰唐宋。曰宋元。曰四朝。題名命意各有疎備。至於名賢二字。究嫌弗稱。作者品類參差。豈容咸沾美譽。茲編姑仍原名。簡稱曰百家詞。

原鈔本既無序跋。故編輯之時代莫詳。惟善本書室藏書志金荃詞條云。『明正統辛酉海虞吳訥所編四朝名賢詞之一。』至四朝名賢詞與唐宋名賢百家詞。是否一書而二名。雖無從證

實。然二書之題名含義。既相彷彿。編輯或出同時。題名容有更易。故二名既無它異議。則一書又何惜兩稱。引是推敲。斷定其編輯之時。雖不中亦不遠矣。考明史吳訥傳。訥於英宗正統四年三月以老致仕。家居十六年。年八十六而卒。辛酉爲正統六年。乃訥致仕家居之翌年。年已七十有三。或垂老著述。未及纂次成書。後人就其所錄。復未加整理。不然自辛酉距訥之死。尙有十四年之久。且以訥博覽議論有根柢。所著書皆可垂於後。引明史語。斷不至於是書所彙。漫無系統。直同鈔胥。并序跋亦無之。

原鈔本於後山居士詞後註云。『正德五年孟秋七夕前一日錄。』又於竹山詞後註云。『正德丁卯季夏十日蘇台雲翁誌。』考正德爲明武宗年號。距訥之歿於代宗六年。已逾五十餘年。此註顯係後來鈔錄者題識。而雲翁其人。或爲傳鈔中之先輩。故後來輾轉傳寫。均沿其舊而錄之耳。

原鈔本列舉諸儒姓氏。核與總目所載相符者無論矣。如趙介之。即趙師俠。嚴儀卿。即嚴羽。著侯彥周。即侯真。著王觀國。王疑高。著坦庵詞。

高觀國·著 均有目無書。又如逍遙詞、潘閔 半山詞、王安石 姑溪竹屋詞、李之儀 竹友詞、謝逸 虛齋詞、趙以夫 虛靖詞、張繼先 撫掌詞、李之儀 竹友詞、謝逸 虛齋詞、趙以夫 虛靖詞、張繼先 撫掌詞。亦有目無書。並只載集名於總目。而未舉其姓氏。獨俞芝山一人無考。復未舉其所著集名。考原鈔本所缺十種中。竹屋詞殘缺並非全佚除撫掌詞外。其它作者姓氏俱可辨。善本書室藏書志有撫掌詞一卷。署後學南城歐良。良乃編輯者之名。且冠以後學二字。非其自作更顯然矣。清王鵬運刊宋元三十一家詞。亦有撫掌詞一卷。不署作者姓氏。與善本書室所藏。俱從典雅詞傳出。余疑俞芝山其即撫掌詞之作者乎。然無左證。闕疑可也。

朱彝尊詞綜發凡云。「張叔夏詞集。晉賢所購。合之牧仲員外。雪客上舍。所鈔。暨常熟吳氏。百家詞本。較對無異。」惜彝尊當時未舉其篇數。嗣閱山中白雲之李符序云。山中白雲。即張叔夏。見詞集名。「余曩客都亭。從宋員外牧仲。借鈔玉田詞。僅百五十三闕。」彝尊既云三家所藏。合較無異。則其篇數亦當悉同。今既得李序。明言其數。覆觀茲篇所收之玉田詞。亦復相符。可知吾人今日傳

鈔之玉田詞。與朱李輩在二百年前所見之吳氏百家詞鈔本無異。深惜其它別集。未能咸得類是之參證也。余因此有感於各家詞集。似應標舉篇數。庶祛後世校勘家之聚訟。顧前人鮮有行之者。茲編乃各綜篇數。系於總目之下。并願世有同好。一思索其當否也。

至於校勘標準。略舉七例如次。

一原鈔本有目無書者十種。逍遙詞、半山詞、姑溪詞、竹友詞、坦庵詞、嬌霞詞、虛齋詞、滄浪詞、虛靖詞、共十家。及竹屋詞殘脫太甚。均莫從傳錄。凡存總集三種。南唐詞別集三家。宋詞別集七十家。如王沂孫、周密、張炎、汪元量。宋邦覆亡之後。而系之於宋者。猶其志也。若元好問系之於金。倪瓚系之於元。同此一例。金詞別集三家。元詞別集八家。明詞別集一家。計八十有七種。原鈔本之總目。先後失序。不得不重加編定。彙列總集於前。各家別集。則依代詮次。既無更於原書之內容。而讀者兼可知人論世。另錄原鈔本所揭總目二種。附於重編總目之後。藉資參考。一茲編志在流佈原書。俾沉翳五百年之寫本。得以墨版傳世。故於原鈔本之

闕文異文夾註校註。咸仍其舊。其偶遇錯訛有跡可尋者。如柳屯田

樂章集卷下望海潮東南形勝一首「市列珠璣」。原鈔本市說作車。而車市二字。則因形似致訛。此即有跡可尋之謂。乃據臨村叢書本改車爲市。

諸如此類。未遑悉舉。則參校它本。擇善而從。然亦無多。至於別刻縱有勝處。未敢擅改。以藏原書。一原鈔本間有脫落過多。則引據它

本補之。但仍藏原鈔之闕文。另註所補於後。以識差別。一原

鈔本於各集款識互有參差。茲編則格式劃一。並加斷句。句讀

用點。韻脚用圈。一茲編附輯詞人小傳。聊考故實。里漏良多。

幸賜匡正。至爲厚望。並附吳訥本傳於末。一原鈔本全缺之

十種與殘缺之一種。以及各家別集中所遺逸見於它本者。異

日當覓善本補錄。題曰「百家詞補編」。以足成一家之著述。

流傳一代之文獻。一茲編於原鈔本外。未得其它鈔本。以資

印證。極引爲憾。適承友好慫恿出版。倉卒繕校。里訛之處。在所

弗免。大雅君子。幸垂諒焉。

弗免。大雅君子。幸垂諒焉。

中華民國二十五年十月十日林堅之識於上海

百家詞詞人小傳

溫庭筠（唐）太原人。本名岐，字飛卿。大初中應進士，苦心硯席，尤長於詩賦。初至京師，人士翕然推重。然士行塵雜，不脩邊幅，能逐絃吹之音，爲側豔之詞。公卿家無賴子弟，裴誠令狐綯之徒，相與痛飲酣醉終日。由是累年不第。徐商鎮襄陽，往依之。署爲巡官。咸通中，失意歸江東。路由廣陵，心怨令狐綯在位時不爲成名。既至，與新進少年狂遊狹邪，久不刺謁。又乞索於楊子院，醉而犯夜，爲虞候所擊，敗面折齒。方還揚州，訴之令狐綯。捕虞候治之，極言庭筠狹邪醜迹，乃兩釋之。自是汙行聞於京師。庭筠自至長安，致書公卿間，雪冤。屬徐商知政事，頗爲言之。無何，商罷相，出鎮。楊收怒之，貶爲方城尉。再遷，隋縣尉卒。著有握蘭集三卷、金荃集十卷、詩集五卷、漢南真稿十卷，均不傳。

皇甫松（唐）新安人，字子奇，自號檀子。松一作嵩。

毛熙震（後蜀）字里不詳，官祕書監。

牛嶠（前蜀）隴西人，字松卿，一字延峯。唐相僧孺之後。乾符五年進士。王建鎮蜀，辟爲判官。及開國拜給事中，有集三十卷。歌詩三卷，自言竊慕李賀長歌，舉筆輒效之。

韋莊（前蜀）杜陵人，字端己。唐乾寧元年進士，以左補闕宣諭兩川。留蜀事王建。梁篡唐，改元。莊與諸將擁建稱帝，累官吏部尙書同平章事。開國制度，號令禮樂，皆莊所定。武成三年卒。諡文靖。著有浣花集。

歐陽炯（後蜀）益州華陽人，少事蜀王衍，爲中書舍人。蜀平，隨衍至洛陽，補泰州從事。孟知祥鎮成都，炯復入蜀，知祥僭號，累遷戶部尙書同平章事。後從昶歸宋，授右散騎常侍翰林學士。宋開寶四年卒，年七十六。

和凝（後晉）鄆州須昌人，字成績。幼聰敏，神形秀發，舉進士。梁義成軍，節度使賀瓌辟爲從事。與唐莊宗戰，瓌敗，脫身走，獨凝隨之。揮之使去，凝曰：大丈夫當爲知己死。吾恨未得死所爾。豈可去也。已而一騎追瓌幾及，凝引弓射殺之。瓌歸，妻之以女。天

成中拜殿中侍御史。累遷翰林學士。晉初拜翰林學士承旨。天福五年拜中書門下平章事。漢高祖時拜太子太傅。封魯國公。顯德二年卒。年五十八。有集百餘卷。嘗自鏤版以行於世。

張泌（南唐）淮南人。字子澄。泌一作泌。初官句容尉。上書陳治道。後主徵爲監察御史。仕至中書舍人。開寶五年貶損制度。改內史舍人。後隨後主降宋。以故臣見殺。太宗朝泌在史館。一日問曰。卿家每食多客。敘談何事。泌曰。臣之親舊。多客都下。困窮乏食。臣累輕而俸優。故常過臣飯。臣不得拒焉。然止菜羹而已。明日太宗遣快行者。伺其饌客。卽坐間取食以進。果止糝飯菜羹。仍皆陶器。太宗喜其不隱。遷官郎中。泌第宅在故里。人稱菜羹張家云。泌爲人長者。後官河南。每寒食必親拜後主墓。哭之甚哀。李氏子孫陵替。常分俸贍給焉。

薛昭蘊（蜀）字里不詳。花間集稱侍郎。

毛文錫（後蜀）南陽人。字平珪。唐進士。仕蜀爲文思殿大學士。拜司徒。隨王衍降後唐。未幾復事孟氏。以詞章爲後蜀主所賞。

顧夔（後蜀）字里不詳。事蜀王建爲給事。擢刺史。復事後蜀孟知祥。官至太尉。

魏承班（前蜀）字里不詳。班父弘夫爲王建養子。賜姓名王宗弼。封齊王。班爲駙馬都尉。官至太尉。

孫光憲（宋）貴平人。字孟文。自號葆光子。唐時爲陸州判官。天成初避地江陵。高季興據荆南。署從事。歷事三世。累官御史中丞。後勸高繼冲歸宋。太祖授以黃州刺史。將用爲學士。乾德末卒。

牛希濟（後唐）隴西人。嶠之兄子。事蜀王衍。官至翰林學士。御史中丞。降後唐爲雍州節度副使。

鹿虔扈（後蜀）字里不詳。事後蜀孟昶爲永泰軍節度使。進太尉。加太保。國亡不仕。

閻選（後蜀）字里不詳。布衣。時人稱爲處士。

尹鶚（前蜀）成都人。事蜀王衍。官參卿。

李珣（前蜀）先世波斯人。家於梓州。字德潤。爲蜀秀才。事蜀王

衍昭儀李舜絃之兄。著有瓊瑤集。

案自溫庭筠迄李珣。見花間集。

明皇（唐）玄宗李隆基。睿宗第三子。性英武。善騎射。通音律。歷象之學。嘗夜半率兵入宮。平韋氏之亂。睿宗卽位。立爲皇太子。延和元年。嗣位。政治脩明。開元之際。幾有貞觀之風。後以寵楊貴妃。任用楊氏。致有安祿山之亂。避蜀。傳位太子。尊爲上皇。在位四十四年。諡曰明皇帝。

昭宗（唐）昭宗李晔。懿宗第七子。封壽王。僖宗疾大漸。觀軍使楊復恭率兵迎壽王。立爲皇太弟。改名敏。卽皇帝。位于柩前。後以李茂貞犯闕。奔華州。復還長安。卒爲朱全忠所弑。在位十四年。攻書好文。遺篇隻字。多其播遷時所製也。

莊宗（後唐）莊宗李存勖。武皇帝（李克用）長子。小名亞子。武皇帝臨終。授以三矢。曰。必報梁燕契丹之仇。旣嗣位。北却契丹。東滅燕。復滅梁。還矢太廟。以告成功。莊宗好俳優。又知音能度曲。任用伶官。以伶人郭從謙爲親軍指揮使。後從謙謀反。帝

統親軍格鬥。卒爲流矢所中而亡。年四十二。時帝左右皆奔散。唯王坊人善友斂廊下樂器。簇於帝尸之上。發火焚之。及明宗入洛。止得其燼骨而已。在位四年。

李王（南唐）中主李景後主李煜。詳後南唐中主後主條。

李白（唐）興聖皇帝九世孫。字太白。其先隋末以罪徙西域。神龍初遁還。客巴西。十歲通詩書。旣長隱岷山。喜縱橫術。擊劍爲任俠。輕財重施。復居徂徠山。日沈飲。與孔巢父諸人號竹溪六逸。天寶初入會稽。與吳筠善。筠被召。故白亦至長安。往見賀知章。知章見其文。歎曰。子謫仙人也。言於玄宗。召見金鑾殿。論當世事。奏頌一篇。帝賜食。親爲調羹。詔供奉翰林。白猶與酒徒醉于市上。帝坐沈香亭。意有所感。欲得白爲樂章。召入而白已醉。左右以水頰面稍解。援筆成文。進清平調三章。帝愛其才。數宴見。白嘗侍帝。醉使高力士脫鞵。力士素貴恥之。摘其詩以激楊貴妃。帝欲官白。妃輒沮止。白自知不爲親近所容。益驕放不自脩。與賀知章諸人爲酒中八仙。懇求還山。帝賜金放還。白浮遊

四方會安祿山反。轉徙匡廬間。永王璘辟爲府僚。佐璘起兵。璘敗。當誅。初白遊并州。見郭子儀奇之。子儀嘗犯法。白爲救免。至是子儀請解官以贖。詔長流夜郎。會赦還潯陽。坐事下獄。宋若思解之。辟爲參謀。未幾辭去。李陽冰爲當塗令。白往依之。代宗立。以左拾遺召。而白已卒。年六十餘。著有李太白集。

韋應物（唐）京兆長安人。少以三衛郎事明皇。晚更折節讀書。官終蘇州刺史。性高潔。所在焚香掃地而坐。其詩閑澹簡遠。人比之陶靖節。

王建（唐）潁川人。字仲初。大曆十年進士。太和中出爲陝州司馬。從軍塞上。後歸咸陽。卜居原上。與張籍齊名。

杜牧（唐）京兆萬年人。字牧之。太和二年進士。復舉賢良方正。官至中書舍人。其詩情致豪邁。人號爲小杜。以別於甫云。

劉禹錫（唐）彭城人。字夢得。貞元九年進士。登博學宏詞科。坐王叔文黨。貶連州刺史。在道貶朗州司馬。落魄無聊。吐詞多諷託。蠻俗好巫。嘗依騷人之旨。倚其聲作竹枝詞。武陵溪洞悉歌

之。官至太子賓客分司。禹錫素善詩。晚節尤精。與白居易酬復頗多。會昌時加檢校禮部尚書。卒年七十二。

白居易（唐）下邳人。字樂天。自號醉吟先生。又號香山居士。貞元進士。官至刑部尚書致仕。卒年七十五。遺命薄葬。毋請諡。後諡曰文。居易文章精切。最工詩。至數千篇。唐以來所未有也。初與元稹酬詠。號元白。及稹卒。又與劉禹錫唱和。又號劉白。著有白香山詩集。

盧貞（唐）字子蒙。官河南尹。開成中爲大理卿。終福建觀察使。張志和（唐）婺州金華人。字子同。初名龜齡。肅宗時以明經擢第。待詔翰林。坐事貶南浦尉。後遇赦。放浪江湖以終。自號烟波釣徒。又號玄真子。

司空圖（唐）河中虞鄉人。字表聖。自號知非子。又號耐辱居士。咸通末進士。僖宗行在用爲知制誥中書舍人。歸隱中條山王官谷。龍紀乾寧間召皆不赴。遷洛後。被詔入朝。以野老乞歸。朱全忠篡位。召爲禮部尚書。不食而卒。

韓偓（唐）京兆萬年人。字致光。一字致堯。龍紀進士。官至兵部侍郎。以不附朱全忠貶官。天祐二年復原官。不赴召。依王審知於閩而卒。

薛能（唐）汾州人。字太拙。會昌六年進士。官至工部尚書。節度使。能辦於詩。嘗日賦一章。

成文幹（南唐）進士。名彥雄。字文幹。

馮延巳（南唐）詳後馮延巳條。

溫飛卿名庭筠。字飛卿。詳見花間集。

皇甫松詳見花間集。

韋莊詳見花間集。

張泌詳見花間集。

毛文錫詳見花間集。

歐陽炯詳見花間集。

和凝詳見花間集。

孫光憲詳見花間集。

魏承班詳見花間集。

閻選詳見花間集。

尹鶚詳見花間集。

李珣詳見花間集。

歐陽彬字里不詳。官蜀左丞。

許岷字里不詳。

薛昭蘊詳見花間集。

徐昌圖（宋）莆田人。初仕閩。陳洪進歸宋。令昌圖奉表入汴。太祖

祖命爲國子博士。累遷殿中丞。

案自明皇迄徐昌圖。見尊前集。是書不著編輯者名氏。作者三十三人。最後爲徐昌圖。昌圖自閩入宋。而宋初并無它人入選者。於此推之。當是五代宋初間之人所編。是書之名。輒見宋人著述。而歐陽修六一詞羅泌校語。又屢引尊前集云。至清人有以爲明顧梧芳所編者。實則梧芳乃刻書撰序之人。今既得羅泌校語爲證。則顧編謬說。不待辨矣。